

ATODLEN 3

DARPARIAETH BELLACH YNGHYLCH CYDNABOD CYRFF DYFARNU

Y weithdrefn ar gyfer gosod amodau capio ffioedd

- 9 (1) Os yw Cymwysterau Cymru yn penderfynu gosod yr amod capio ffioedd, rhaid iddo roi hysbysiad i'r corff cydnabyddedig am y penderfyniad.
- (2) Rhaid i'r hysbysiad—
- (a) rhoi gwybod i'r corff am ei hawl o dan drefniadau a wneir o dan baragraff 10 i wneud cais am adolygiad o'r penderfyniad,
- (b) datgan y dyddiad olaf y caniateir gwneud unrhyw gais am adolygiad, ac
- (c) pennu'r dyddiad y mae'r amod, yn absenoldeb cais am adolygiad, i gymryd effaith.
- (3) Rhaid i'r dyddiad a bennir o dan is-baragraff (2)(c) fod yn ddyddiad ar ôl y dyddiad olaf y caniateir gwneud cais am adolygiad o dan drefniadau a wneir o dan baragraff 10.